

Delegacija Islamske zajednice u Hrvatskoj posjetila Libiju

Delegacija Islamske zajednice u Hrvatskoj posjetila je Socijalističku Narodnu Libijsku Arapsku Džamahiriju u vremenskom terminu od 02.-09.06.2010.g. na poziv Libijskog vođe Muammera el-Gaddafia. U sastavu delegacije su bili: doc.dr.sc. Aziz ef. Hasanović pomoćnik predsjednika Mešihata za vjerske, prosvjetne, vjeronaučne i kulturne poslove, Mirsad Srebreniković pomoćnik predsjednika Mešihata za pravne poslove, Esad ef. Jukan glavni imam Medžlisa Islamske zajednice Pula i Mirsad Kugić predsjednik Izvršnog odbora MIZ-a Pula. Uz delegaciju iz Hrvatske u posjeti su sudjelovale i delegacije iz BiH, Srbije, Slovenije, Kosova, Crne Gore, Albanije i Makedonije.

Prilikom sedmodnevnog posjeta Libiji održano je nekoliko veoma važnih susreta, te na najljepši način predstavljen rad Islamske zajednice u Hrvatskoj.

Na početku samog posjeta, kao što je i praksa prilikom obilaska bilo koje zemlje, upriličen je susret sa studentima koji studiraju u ovoj prelijepoj državi. Studenti su svršeni Zagrebačke medrese dr. Ahmed Smajlović a svoje školovanje u Libiji nastavili su studirajući arapski jezik i da'vu (misionarstvo). Također delegacija je posjetila Islamski univerzitet Asmerija u gradu Zlitenu te razgovarala sa rektorom Univerziteta i dekanima za da'vu, kur'anke znanosti i arapski jezik.

Voditelja delegacije doc.dr.sc. Aziz ef. Hasanovića primio je Libijski ministar vakufa i zekata Ibrahim Abdu-s-Selam Ibrahim koji se zanimao za projekte Islamske zajednice u Hrvatskoj. Tom prilikom dr. Hasanović je ministru uručio prigodnu brošuru o izgradnji Islamskog centra u Puli.

Vrhunac posjete dogodio se 06.06.2010.g. na podne namazu. Naime delegacija je podne namaz klanjala za Libijskim vođom Muammer el-Gaddafiem nakon čega je upriličen susret. Prilikom obraćanja doc.dr.sc. Aziz ef. Hasanovića libijskom vođi Muammer el-Gaddafiu istaknuo je njegove zasluge u gradnji Islamskog centra Zagreb, pozvao ga da posjeti Hrvatsku, predstavio je rad Mešihata Islamske zajednice u Hrvatskoj te aktivnosti koje provodi Mešihat. Posebnu pozornost izazvala je informacija da je Hrvatska jedna od četiri zemlje u Europi koja je službeno priznala islam još 1916. godine. Istaknut je i Ugovor između Vlade R Hrvatske i Mešihata Islamske zajednice u Hrvatskoj koji pruža mogućnosti vjerskih prava i slobodu na najbolji mogući način. Uručen mu je prigodni poklon; monografija Islamskog centra Zagreb, brošura o izgradnji Islamskog centra u Puli i Rijeci. Nakon riječi tople dobrodošlice i prijema koji je u sklopu rezidencijalnog kompleksa Libijski vođa el-Gaddafi je vjerske poglavare pozvao da surađuju na postizanju konstruktivnog jedinstva radi zaštite, očuvanja i razvijanja vjerskog, nacionalnog i kulturnog identiteta muslimana Balkana. Libijski vođa je izrazio spremnost da podrži ideju formiranja Vijeća za među-muslimansku koordinaciju na Balkanu, te ponovio svoj apel da muslimani imaju pravo na vjeru, kulturu, tradiciju. U slobodarskom duhu revolucionara Gaddafi je poručio kako je svijet stvorio Dragi Bog i kako svi ljudi na planeti imaju prava na život, dostojanstvo i budućnost bez straha za svoju i budućnost svoje djece. «Libija je kao vaša zemlja i vi ste ovdje uvijek dobrodošli, stoga se osjećajte kao kod kuće,» poručio je prilikom prijema libijski vođa Muammer el-Gaddafi.

Važno je napomenuti da prilikom posjete Libiji posjetili i Veleposlanstvo Republike Hrvatske u Socijalističkoj Narodnoj Libijskoj Arapskoj Džamahiriji zanimajući se za gospodarske projekte koje provode hrvatske firme te ponudili pomoć u realizaciji istih. Također je organiziran i susret sa veleposlanikom BiH u Libiji g. Ferhatom Šeta.

Delegacija je obišla i rezidenciju koju su američke snage 1986. godine raketirale u Tripoliju, pokušavajući likvidirati libijskog vođu ali se on u trenutku napada nije u njoj nalazio. Razrušena rezidencija nije obnovljena i danas je spomenik libijske borbe protiv američkog imperijalizma.

U tijeka posjeta bilo je i obilaženja povijesnih građevina kao što je stari rimski grad Leptis Magna. Najpoznatije arheološko nalazište iz doba starog Rima se smjestilo 120 km od Tripolija. Leptis Magna je bila prekrivena pustinjskim pijeskom punih 800 godina i samim time ostala

netaknuta. Uspjela je odoljeti zovu vremena i sačuvati se u svom originalnom obliku. Nakon što je otkrivena 1920. godine do danas se uspjela iskopati tek jedna četvrtina najznačajnijeg i najbogatijeg rimskog grada.

U ozračju topline, istinskog bratstva i prijateljstva, delegacija Mešihata Islamske zajednice vratila se s velikim optimizmom.

